

CYNGOR BWRDEISTREF SIROL RHONDDA CYNON TAF

Addysg a Gwasanaethau Cynhwysiant, Tŷ Trevithick, Abercynon, CF45 4UQ

Dyma hysbysiad yn unol ag Adran 41 a 43 o Ddeddf Safonau a Threfniadaeth Ysgolion (Cymru) 2013 a Chod Trefniadaeth Ysgolion bod Cyngor Bwrdeistref Sirol Rhondda Cynon Taf (Cyngor RhCT), ac yntau wedi ymgynghori â'r bobl hynny yr oedd yn ofynnol iddo ymgynghori â nhw, yn cynnig:

1. Cau'r ysgolion canlynol sy'n cael eu cynnal gan Gyngor RhCT ar hyn o bryd:
 - Ysgol Gynradd y Cefn, Coedlan Cae-glas, Glyn-coch, Pontypridd CF37 3BD
 - Ysgol Gynradd Craig yr Hesg, Lôn y Cefn, Glyn-coch, Pontypridd CF37 3BP
2. Sefydlu Ysgol Gynradd Gymuned Cyfrwng Saesneg. Bydd Cyngor Rhondda Cynon Taf yn adeiladu ysgol newydd at y diben yma. Bydd yr ysgol gynradd newydd yma ar gyfer disgyblion rhwng 3 ac 11 oed yn cael ei hadeiladu ar safle presennol Ysgol Gynradd Craig yr Hesg a'r tir gerllaw (hen safle Uned Atgyfeirio Disgyblion Tŷ Gwyn).

Cynhaliodd Cyngor RhCT gyfnod ymgynghori cyn penderfynu cyhoeddi'r cynnig hwn. Mae adroddiad ar yr ymgynghoriad, sy'n cynnwys crynodeb o'r materion a godwyd yn yr ymgynghoriad, ymatebion y cynigwyr a barn Estyn ar gael yma:

<https://www.rctcbc.gov.uk/CY/GetInvolved/Consultations/CurrentConsultations/ProposaltoamalgamateCefnPrimaryandCraigyrHesgPrimarySchools.aspx>

Y bwriad ydy gweithredu'r cynigion yma erbyn 1 Medi 2026.

Mae'r cynnig yn nodi y bydd pob disgybl sy'n mynychu Ysgol Gynradd y Cefn ac Ysgol Gynradd Craig yr Hesg yn symud i'r Ysgol Gynradd Gymuned Cyfrwng Saesneg newydd erbyn 1 Medi 2026, yn dibynnu ar ddewis y rhieni.

Ysgol Gynradd Gymuned Cyfrwng Saesneg fydd yr ysgol o dan y cynnig yma.

Cyngor RhCT fydd yr awdurdod derbyn, a fydd dim trefniadau ar gyfer bandio disgyblion.

Capasiti arfaethedig yr Ysgol Gynradd Gymuned Cyfrwng Saesneg newydd fydd 360 o ddisgyblion, gan gynnwys meithrinfa. Mae'r cynigion yn nodi y bydd 51 o ddisgyblion 4 oed yn cael lle yn y Dosbarth Derbyn yn ystod y flwyddyn ysgol gyntaf.

Bydd cludiant ar gael i'r disgyblion yn unol â Pholisi Cludiant Cyngor RhCT. Ar hyn o bryd, mae Cyngor RhCT yn darparu cludiant am ddim i ddisgyblion i fynd i'w hysgol gynradd, babanod neu ysgol iau agosaf a mwyaf addas os ydyn nhw'n byw y tu hwnt i 1.5 o filltiroedd cerdded o'r ysgol honno, neu os nad oes llwybr cerdded diogel ar gael. Mae'r term 'ysgol addas' yn cyfeirio at y dalgylch neu'r ysgol gyfrwng Cymraeg, cyfrwng Saesneg, ysgol ddwy iaith, ysgol brif ffrwd wirfoddol gymorthedig (yr Eglwysi) neu ysgol/dosbarth arbennig agosaf, fel y bo'n briodol.

Caiff unrhyw berson wrthwynebu'r cynigion yma cyn pen 28 diwrnod o'u cyhoeddi, hynny yw, erbyn 11 Mai 2022. Dylid anfon gwrthwynebiadau at: Cyfarwyddwr Addysg a Gwasanaethau Cynhwysiant, Ysgolion yr 21^{ain} Ganrif, Tŷ Trevithick, Abercynon, Aberpennar CF45 4UQ. E-bost: CynllunioYsgolion@rctcbc.gov.uk.

Bydd Cyngor RhCT yn cyhoeddi crynodeb o unrhyw wrthwynebiadau a ddaw i law (ac sydd heb eu tynnu'n ôl yn ysgrifenedig) yn ystod y cyfnod gwrthwynebu, ynghyd â'i sylwadau arnyn nhw, cyn pen cyfnod o 7 niwrnod o benderfynu ar y cynnig.

Llofnod:



Gaynor Davies
Cyfarwyddwr Addysg a Gwasanaethau Cynhwysiant
ar ran Cyngor Bwrdeistref Sirol Rhondda Cynon Taf
Dyddiad: 4 Ebrill 2022